

ՀՀ Արարատի մարզի Վեդի համայնքի Փոքր Վեդի բնակավայր

«ԶԱՐԹՈՆՔ» մանկապարտեզ

## ՀԵՏԱԶՈՏԱԿԱՆ ԱՇԽԱՏԱՆՔ

ԴԱՍՏԻԱՐԱԿ՝

Քրիստինե Ստեփանյան

ԴԱՍԱԽՈՍ՝

Ժաննա Ավետիսյան

ԹԵՄԱ՝

Կերպարվեստի պարապմունքները մանկապարտեզի կրտսեր առաջին և կրտսեր երկրորդ խմբերում:

2022թ.

# Բովանդակություն

1.Ներածություն:-----	3
2.Գեզագիտական դաստիարակություն:-----	4
3.Կերպարվեսի գործունեություն:-----	5
4.Կերպարվեստային գործունեության խնդիրները:-----	6
5.Կերպարվեստային պարապմունքների նախապատրաստում:-----	7
6.Նկարչական պարապմունքների նախապատրաստում:-----	8
7.Ծեփակերտման պարապմունքների նախապատրաստում:-----	9
8.Կառուցողական գործողությունների նախապատրաստում:-----	11
9.Գործնական մաս՝ նկարչության,ծեփակերտում,կառուցողական պարապմունքներ:-----	13
10.Եզրակացություն:-----	15
11.Օգտագործված գրականության ցանկ:-----	16
12.Հավելվածներ:-----	17

# Ներածություն

Երեխայի զարգացման հարցում անփոխարինելի դեր են կատարում կերպարվեստային գործունեության տարբեր ձևերը՝ նկարչությունը, ծեփակերտումը, դեկորատիվ կիրառական ավեստը, կոնստրուկտավորման աշխատանքները: Ստեղծագործական բնույթի պարապմունքները երեխաներին զինում են գիտելիքներով, պատճառում են ուրախություն, արվեստի նկատմամբ վերաբերմունք: Կերպարվեստային գործունեությունը պետք է ղեկավարվի հմուտ մասնագետների կողմից: Դաստիարակը պետք է կարողանա կողմնորոշվել արվեստի, կերպարվեստի տարբեր բնագավառներում, տիրապետի նկարչական տարբեր ձևերի կարողություններին և նկարչական տարբեր միջոցներին, տեխնիկական հնարքներին, մանկան ստեղծագործական մանկավարժահոգեբանական գործընթացի առանձնահատկություններին:

1. Առարկայի դերն ու նշանակությունն մասնագետի կայացման արդյունավետությունը կախված է ուսուցման մեթոդների և ձևերի իմացությունից ու տիրապետելու ունակությունից: Մասնագետը պետք է գաղափար կազմի կերպարվեստի դասավանդման մեթոդիկայի ինչպես նաև ընդհանուր մեթոդների մասին: 2. Առարկայի դասավանդման հիմնական նպատակն է բացահայտել մեթոդական այն հարցերը, որոնք անհրաժեշտ են երեխայի կերպարվեստային գործունեության զարգացման համար: Կերպարվեստային գործունեությունը կարող է զարգանալ միայն նպատակաուղղված ղեկավարման պայմաններում: Նման ղեկավարումը հնարավոր է այն դեպքում, երբ դաստիարակը հստակ պատկերացնում է իր գործունեության ոլորտը, տեղյակ է ծրագրի բովանդակությանը և մեթոդներին, տիրապետում է նկարչական ունակություններին: Մանկավարժը ստեղծում է բոլոր անհրաժեշտ պայմանները երեխայի իրականության զգացմունքապատկերավոր ընկալման համար: 3. Առարկայի խնդիրներն են՝ երեխայի կերպարվեստային կրթությունը ուղղել նրա ստեղծագործական, պատկերային արվեստի զարգացման, շրջակա միջավայրի իրականության տպավորությունների արտահայտման, արվեստի և գրականության վրա: Նպաստել երեխայի կերպարվեստային կարողությունների, հմտությունների զարգացմանը: Կերպարվեստի դասավանդման մեթոդիկայի խնդիրն է ստեղծել և կանոնակարգել ուսուցման մեթոդների դիդակտիկ հիմքերը առարկայի դիդակտիկ դրույթները:

Առարկայի դասավանդման կարևորագույն պայմաններից է ցուցաբերել անհատական մոտեցում յուրաքանչյուրին: Ծրագրային նյութը պարբերաբար պետք է համալրվի ժամանակակից մեթոդներով, գիտության և տեխնիկայի բնագավառում ստեղծված նվաճումներով, գրականությամբ:

## Գեղագիտական դաստիարակություն:

Գեղագիտական դաստիարակությունը սկսվում է կրտսեր տարիքից՝ իր առջև խնդիր դնելով ակտիվացնել երեխաների շփումը արվեստի հետ:

Այն ենթադրում է՝ երեխայի ընկալման, երևակայության, հետաքրքրությունների, զգացմունքների, ունակությունների և հակումների զարգացում, հիշողության ձևավորում: Երեխան ընկալում է աշխարհը տպավորությունների և կերպարների միջոցով: Հուզական տպավորությունները և ապրումները խոր հետք են թողնում երեխայի կյանքում, և դրանք հետագայում երբեք չեն մոռացվում: Մանկության շրջանում հուզական ներդաշնակությամբ զուգորդված զգացողությունները վստահություն են ներշնչում աշխարհի հանդեպ և պահպանվում են ամբողջ կյանքում:

Գեղագիտական դաստիարակությունը բացահայտում է երեխայի ընդունակությունները և ձևավորում անձնային կարևոր որակներ: Այն պետք է ուղղված լինի երեխայի՝ ստեղծագործելու ցանկության արթնացմանը և ստեղծագործական ունակությունների զարգացմանը:

Գեղեցիկ միջավայրը երեխայի գեղագիտական դաստիարակության հիմնական պայմանն է և միջոցը: Այն նպաստում է կրտսեր տարիքային երեխաների հուզական ոլորտի զարգացմանը և զգայական փորձի հարստացմանը: Երեխայի գեղագիտական ընկալումը խիստ անհատական է: Երեխաների մտածողությունը դառնում է ավելի ճկուն, նպատակային, երբ նրանք միջավայրը հարմարեցնում են իրենց գործունեության պահանջներին. միջավայրով պայմանավորված՝ հետաքրքիր, գործնական խնդիրները սաներին դարձնում են ավելի կարող, հմուտ, հնարամիտ, գործունյա և անկախ: Այն բավարարում է երեխայի հետաքրքրությունները, ապահովում նրա անվտանգ և առողջ կենսագործունեությունը:

Երեխաների ուշադրությունը հարկավոր է հրավիրել այն բանի վրա, որ իրենք խաղում և պարապում են մաուր, լուսավոր, գեղեցիկ կահավորված խմբասենյակում: Զբոսանքի ժամանակ երեխաները պետք է սովորեն տեսնել շրջակա միջավայրի գեղեցկությունը, դիտեն և զննեն մանկապարտեզի տարածքը, տեսնեն ներդաշնակությունը՝ ծաղկանոցի, այգու, խաղահրապարակի միջև:

## **Կերպարվեստի գործունեություն:**

Երկուսիցերեք տարեկան երեխաների համար գերագույն հաճույք է զբաղվել կերպարվեստային գործունեությամբ: Նման զբաղմունքը երեխային պարզում է ուրախություն և բերկրանք: Կերպարվեստային գործունեության ընթացքում երեխան ունենում է դրական զգացողություններ, ինքնարտահայտման և ինքնադրսևորման հնարավորություն: Կրտսեր խմբում կերպարվեստային գործունեության ընթացքում տեղի է ունենում բուռն ճանաչողական զարգացում՝ երեխան ձեռք է բերում առարկայի ձևը զգալու և այն արտաքին աշխարհին փողանցելու հմտություն: Ձևավորվում են առարկաների ձևի, գույնի, չափի, վերաբերյալ առաջին զգայական կողմնորոշումները, զարգանում է լսելու, դիտելու, վերլուծելու ունակությունները: Ձևավորվում են պատկերացումներ այ մասին, որ մատիտով, վրձինով, յուղամատիտով նկարում են, իսկ ծեփանյութով՝ ծծեփում:

Այս տարիքային խմբում երեխաների ուշադրությունը պետք է հրավիրել թղթի վրա մատիտով, վրձինով ստացվող գծերի, ուրվագծերի, գույների, պատկերների վրա: Անհրաժեշտ է երեխաներն առաջարկել պատմել այն մասին, թե ի՞նչ են իրենք նկարել, և ինչի՞ է այն նման: Պարզագույն առարկաներ և երևույթներ նկարելով՝ երեխան ճանաչում է դրանք, և նրա մեջ ձևավորվում են առաջին պատկերացումները արվեստին ոլորտում: Անհրաժեշտ է, որ երեխան կարողանա տեսնել իրականի և նկարածի միջև նմանություններ և տարբերություններ: Սկզբում նա պետք է աշխատի տաք գույներով: Դա օգնում է նրան ուշադիր լինի շրջապատում գնվող վառ, պայծառ գույներով առարկաների նկատմամբ:

Կերպարվեստային գործունեության ընթացքում երեխան աստիճանաբար սովորում է գույների, գծերի լեզվով պատմել իր տեսածի, զգացածի մասին, ինչպես նաև զարմանք արտահայտել շրջապատի երևույթների վերաբերյալ: Կերպարվեստային գործունեությունը լավ տրամադրության սկզբնադրույր է, ուստի անհրաժեշտ է խթանել և զարգացնել հետաքրքրասիրությունը ստեղծագործական աշխատանքի նկատմամբ: Երեխան թղթի վրա արտահայտում է ոչ միայն այն, ինչ տեսնում է շրջապատում, այլև դրսևորում է սեփական երևակայությունը, խթանելով ստեղծագործական կարողությունների զարգացումը:

### **Կերպարվեստային գործունեության նպատակն է.**

- Արթնացնել գեղեցիկի նկատմամբ հուզական վերաբերմունք:
- Զարգացնել հետաքրքրասիրություն կերպարվեստային գործունեության տեսակների նկատմամբ:
- Շարունակել, զգայական ընկալման միջոցով, խթանել երեխաների դրական հույզերի զարգացումը:

## Կերպարվեստային գործունեության խնդիրները:

- Ծանոթացնել կերպարվեստային նյութերին ,ձևավորել մատիտով,վրձինով,գուաշով,ջրաներկով և ծեփանյութերով աշխատել նախնական հմ տություններ:
- Զարգացնել պարզ առարկաներ պատկերելու կարողություններ:
- Սովորեցնել նկարելով,ծեփելով բացահայտել առարկաների հարաբերությունները:
- Ձևավորել կերպարային պատկերացումներ,շոշափելու միջոցով զարգացնել ուշադրությունը,դիտողականությունը,պատկերառումներ առարկաներին բնորոշ հատկությունների ` ձևի,չափի,գույնի նկատմամբ:

Կրտսեր խմբում անհրաժեշտ է զարգացնել երեխաների հետաքրքրասիրությունը և ուշադրությունը կերպարվեստային նյութերի նկատմամբ:Այս տարիքային խմբի կերպարվեստային ծրագրերի առաջնային նպատակներից է ` տեխնիկայի ուսուցումը.մատիտը բռնել 3 մատով,կատարել տարբեր վարժություններ ` կետեր,գծեր,շրջանակներ,աղեղներ,մեծ և փոքր գույնավոր օղակներ:Նկարչական տեխնիկայի խնդիրներից է ` վրձին ծանոթացումը.երեխաները սովորում են վրձինը ճիշտ բռնել և կատարել վարժություններ ` վրձնահարվածներ,վրձնահպումներ,մեկ գույնի օգտագործմամբ պատկերել պարզ առարկաներ ,ճանաչել և տարբերել հիմնական գույները,որոշ բաղադրիչ գույներ,կատարել վարժություններ երկու հակադիր գույների գուգակցմամբ:Այս տարիքային խմբում երեխայի շարժումները սահմանափակ են:Այդ առումով ` խնդիր է առաջանում հետևյալ երեխայի ճիշտ նսելու և բնականոն կեցվածքի պահպանման գործընթացին:

Պարապմունքներն ըստ տեսակի այս տարիքային խմբում շաբատվա ընթացքում բաշխվում են հետևյալ կարգով.

- Նկարչություն-1 անգամ
- Ծեք-0,5 անգամ
- Կառուցողական աշխատանք-0,5 անգամ:

Ծեփը և կառուցողական աշխատանքնվ անցկացվում են հետևյալ հերթագայմամբ ` մի շաբաթ ծեփ,մի շաբաթ ` կառուցողական:Ամսվա կտրվածքով կազմակերպում ենք 4 նկարչության ,2 ծեփի, 2 կառուցողական պարապմունքներ ` 10-15 րոպե տևողությամբ:

Ապլիկացիայի պարապմունքներ այս տարիքային խմբում չենք կազմակերպում,սակայն դրա տարրերն օգտագործվում են խավատախտակի վրա աշխատանքի ժամանակ.երկրաչափական պատկերների միջոցով կառուցվում են այս կամ այն պատկերները:

## **Կերպարվեստային պարապմունքների նախապատրաստում:**

Ընտրելով ծրագրային նյութը և որոշելով թեման է դաստիարակը ուսուցման մեթոդների և հնարների ճիշտ ընտրությամբ կապահովի թյուրի առավելագույն ընկալումը: Պլանավորման ընթացքում որոշվում է ,թե ինչ նախապատրաստակ աշխատանք է հարկավոր կազմակերպել՝ դիտում,գրյույց,պատմվածքի ընթերցում,ծանոթացում նոր խախալիքին և այլն:Մեկ օր առաջ դաստիարակը նախապատրաստում է պարապմունքի համար անհրաժեշտ նյութերը/նկարչական թղթի հակառակ կողմում գրվում է երեխայի անունը,ամսաթիվը/,անուններով թղթիկներ է նախապատրաստում նաև ծեփի համար:Անհրաժեշտության դեպքում երանգավորում է թուղթը:Կտրվում են թեմային համապատասխան երկրաչափական պատկերներ,սրվում են ջարդված մատիտները,պատրաստվում է աղի խմոր:Որոշ նյութեր պատրաստվում են հենց նույն օրը՝ ջրով բացվում է ջրաներկը կամ գուաշը:Ծեփակերտման և կառուցողական աշխատանքների անվանաթղթերը/փոքրիկ գուլակներ/դաստիարակը բաժանում է պարապմունքի վերջում:

Երեխաների պատկերացումներն այս կամ այն առարկայի վերաբերյալ ճշտելու նպատակով կազմակերպվում են զբոսանքներ,էքսկուրսիաներ,դիտակտիկ խաղեր,որոնց ընթացքում ծանոթացնում են առարկաների ձևերին,չափերին,գույներին:

Պարապմունքներից առաջ անհրաժեշտ է օգափոխել խմբասենյակը. այս պարագայում երեխաները շուտ չեն հոգնի:Նմուշօրինակները դրվում են անհրաժեշտության դեպքում երկու-երեք տարբերակով,որպեսզիմ տեսանելի լինեն բոլորի համար:

Կրտսեր խմբերում կերպարվեստային նյութերը սեղաններին է դնում դաստիարակը:Սակայն որոշ նյութեր երեխաներին է հանձնարարվում դնել սեղանին.մատիտները,վրձինները:Նման օգնությունը հետաքրքրություն է առաջացնում կերպարվեստային պարապմունքների նկատմամբ և խթանում աշխատանքային դաստիարակաությունը:

Պարապմունքի ավարտին դաստիարակը երեխաներին սովորեցնում է հավաքել և իրենց տեղերը դնել կերպարվեստային պարագաները,լվացվել անհրաժեշտության դեպքում:Աստիճանաբար ձևվորվում են ինքնասպասրկման կարողություններ:

## **Նկարչական պարապմունքների նախապատրաստում:**

Պարապմունքներից առաջ դաստիարակը նախապատրաստում է աշխատանքային սեղանը: Այնտեղ պետք է դրված լինեն միայն ամենաանհրաժեշտ պարագաները՝ նկարչական թուղթ/սպիակ կամ երանգավորված/, ըստ երեխաների քանակի՝ մեկական մատիտ կամ յուղամատիտ: Ջրաներկի կամ գուաշի պարագայում նախապես անհրաժեշտ գույնի ներկը բացել մածուկի խտությամբ: Սեղաներին պետք է դնել լաթ:

### **1. Նկարչության պարապմունքների թեմաների ընտրությունը**

Կերպարվեստային պարապմունքների թեմաները ընտրում է դաստիարակը, հաշվի առնելով ծրագրային պահանջները, ուսուցանվող տեխնիկայի բովանդակությունը և երեխաների կենսավորձը: 2-3 տարեկան երեխաների նկարչական գործունեությունը կոնկրետ է առարկայական՝ նրանք նկարում են իրենց շրջապատում գտնվող ծանոթ առարկաները, բնության երևույթները: Առարկայական նկարչություն իրականացնելիս անհրաժեշտ է այն նախապես ուսումնասիրել, շոշափել: Դաստիարակի օգնությամբ երեխաները պետք է նշեն դրա բնորոշ հատկանիշները՝ գույնը, ձևը, չափը: Երեխայի մոտ ձևավորվում է հստակ պատկերացում տվյալ առարկայի մասին, հստակեցվում է դրա տեղը տարածության մեջ:

### **2. Նկարչական պարապմունքների կազմակերպման առանձնահատկությունները**

Կրտսեր խմբում կերպարվեստային պարապմունքները կազմակերպվում են եթախմբերով: Նման աշխատանքի ոճը թույլ է տալիս իրականացնել անհատական աշխատանք. մի քանի հոգիանոց եթախմբի անդամներին դաստիարակը հեշտությամբ է սովորեցնում ճիշտ օգտվել կերպարվեստային նյութերից: Դաստիարակը նստում է երեխաների հետ նույն սեղանի շուրջ, փոքրիկ աթոռի վրա, որպեսզի տեսանելի լինի բոլորի կողմից: Այս տարիքային խմբում բոլոր պարապմունքներն անցնում են խաղի ձևով:

### **3. Նկարչական աշխատանքների պահպանումը**

Երեխաների աշխատանքների պահպանումը առանձին թղթապանակներով արդյունավետ է այն առումով, որ հնարավոր է դառնում հետևել յուրաքանչյուր երեխայի նկարչական կարողությունների զարգացմանը: Յուրաքանչյուր պարապմունքի վերջում կազմակերպվում է աշխատանքների դիտում և քննարկում: Այդ ընթացքում կարևոր է խրախուսել, նշել երեխաների ձեռքբերումը:



## **Ծեփակերտման պարապմունքների նախապատրաստում:**

Ծեփակերտման միջոցով կարելի է ծեփանյութից ստանալ ծավալ ունեցող և հարթապատկերներ: Որպես ծեփանյութ կարող է հանդես գալ՝ պլաստիլինը, աղի խմորը, կավը և ցանկացած ճկուն էկոլոգիապես մաքուր նյութ, որից հնարավոր է ծեփել: Բացի այդ, որպես ծեփանյութ ձմռանը կարելի է օգտագործել ձյունը, իսկ ամռանը՝ խոնավ ավազը:

Ծեփման միջոցով երեխաների մոտ զարգանում է մանր մոտորիկան: Ձևավորվում և զարգանում են ձեռքի աշխատանքի կարողությունները:

Քանի որ 2-3 տարեկան երեխաների ձեռքի աշխատանքը դեռ վարժ չէ, մասները ուժեղ չեն, բնականաբար, ծեփակերտումն իրենից ներկայացնում է որոշակի դժվարություն: Երեխաների համար հեշտ չէ աշխատել մեծ կամ չափազանց փոքր ծեփակտորներով: Ծեփակերտման գործընթացը կարող է կազմակերպվել ինչպես հանտուկ դրա համար նախատեսված պարապմունքներին, այտպես էլ ազատ ժամանակ: Ծեփի պարապմունքները նպատակ ունեն երեխաների մեջ առաջացնել հետաքրքրություն ծեփվող նյութի նկատմամբ, ծնոթացնել ծեփանյութի հատկություններին և այդ նյութերով աշխատելու կանոններին: Երեխաները պետք է վարժվեն ստանալ գլանաձև և գնդաձև մարմիններ՝ ձեռքի ուղիղ և շրջանաձև շարժումներով:

Այս տարիքային խմբի ծեփակերտման պարապմունքների խղիբներն է՝

- Սովորեցնել ձեռքին ուղիղ /հետ-առաջ/ շարժումներով ստանալ գլանաձև մարմիններ,
- Կատարել ծեփման վարժություններ՝ երաժշտության ռիթմին համապատասխան /հետ-առաջ, շրջանաձև/,
- Սովորեցնել ձեռքի ափերի շրջանաձև շարժումներով ստանալ, գնդաձև մարմիններ,
- Սովորեցնել՝ գլանի 2 ծայրերը միացնել սեղման միջոցով,
- Սովորեցնել՝ 2 գլանձև մարմինները դնել միմիանց վրա խաչաձև և հատման տեղում սեղմել,
- Սովորեցնել՝ 2 մատով մեկ կտորից առանձնացնել մի քանի փոքրիկ կտորներ,
- Սովորեցնել սկսած աշխատանքը հասցնել ավարտին,
- Ձևավորել ինքնուրույն աշխատելու կարողություններ,
- Սովորեցնել խաղերի մեջ կիրառել ծեփման խաղալիքներ:

## Ծանոթացում ծեփանյութին

### Նպատակներ և խնդիրներ

- Ծանոթացնել երեխաներին ծեփանյութին՝ պլաստիլին, սդի խմոր, կավ:
- Սովորեցնել ծեփման տարբեր հնարներ, գործողություններ՝ ճմռել, մեծ կտորներից կտրել փոքրիկ կտորներ, տափակացնել, կլորցնել և պատրաստել գնդիկներ:
- Հետաքրքրություն առաջացնել ծեփանյութի նկատմամբ:
- Մանր մոտորիկայի զարգացում:

### Նյութեր և գործիքներ

- Վառ գույների պլաստիլին կամ ադի խմոր:
- Ծեփատախտակներ
- Խաղալիքներ
- Տակդիր է ընդհանուր աշխատանքների համար:

### Կիրառվող ծեփակերտման տեխնիկաներ

**Ճմռել**՝ ձեռքի ափերի և մատների միջոցով սեղմել ծեփանյութը:


**Կամթել**՝ մեծ ծեփանյութի կտորից առանձնացնել փոքրիկ մասնիկներ:

**Շրմփացնել**՝ ձեռքի ափով՝ մատիկներն ուղղած, արագ-արագ խփել ծեփանյութին:

**Տափակացնել**՝ ծեփանյութը, մատներով սեղմելով ափերի մեջ, տափակեցնել:

**Գլանել**՝ ձեռքերի ափերի հետ-առաջ շարժումներով ստանալ գլանման մարմին:

**Գնդել**՝ ձեռքերի ափերի շրջանաձև շարժումների միջոցով ստանալ գունդ:



## **Ծեփակերտման գործունեություն**

Այս տարիքային խմբում ծեփակերտման ընթացքում գնդաձև և գլանձև առարկաների վերբերյալ պատկերացումներ ավելի շուտ են ձևավորվում, քան նկրչության ժամանակ: Սկզբնական շրջանում երեխաները մեկ ամբողջական ծեփանյութից պոկում են մի քանի տարբեր չափի կտորներ: Այնուհետև այդ փոքրիկ մասնիկների՝ ձեռքի ափերի հետ – առաջ/գլանաձև/և շրջանաձև շարժումներով /գնդաձև/կարողանում են տալ որոշակի ձև:

Գնդաձև և գլան մարմիններից պետք է սովորեն ծեփել՝

- Պարզ տեսքի առարկաներ՝ օղեր, թխվածքաբլիթներ, անիվ:
- Պարզ տեսքի մրգեր, հատապտուղներ:

**Տարեվերջին երեխաները պետք է կարողանան՝**

- Ճանաչել ծեփվող նյութերը,
- Շրջնաձև շարժումներով ստանալ գնդաձև մարմին,
- Ծեփել գլանհետ-առաջ շարժումներով,
- Գլանի եզրերը միցնել իրար՝ ամուր սեխմելով,
- Ծեփանյութից պոկել փոքր մասեր,
- Ափերի միջոցով տափակացնել ծեփանյութը,
- Սովորել ծեփել պարզ առարկաներ,
- Աշխատել կոկիկ,
- Օգտվել տագդիլից:

## **Կառուցողական գործողությունների նախապատրաստում:**

Կառուցողական անվանումը ծագել է լատիներեն «construction» բառից, որը նշանակում է կառույց: Կառուցողական աշխատանքները կրտսեր տարիքում եթադրում են՝ գործունեություն ,որի ընթացքում ստեղծվում են տարբեր նյութերից/մանկական շինանյութ, կոնստրուկտոր, թուղթ, սովարաթուղթ, բնական նյութեր: Երեխայի կառուցողական գործունեությունը անչափ մոտ՝ մեծահասակի գեղարվեստատեխնիկական գործնեությանը: Չնայած մանկական շինությունները չունեն հասարակական նշանակություն, և երեխան չի կարող կատարել նորարարություն, սակայն գործունեության այս ձևը հսկայական նշանակություն ունի երեխայի աշխատանքային դաստիարակության վրա:

Կառուցողական գործնեությունը կրտսեր տարիքում կրում է դերային խախի բնույթ. կառույցը ստեղծելու ընթացքում երեխաները ներգրավում են խաղային հարաբերությունների մեջ:

### **Կառուցողական աշխատանքների տեսակները**

Կառուցողական աշխատանքների տեսակները տարբերվում են ըստ օգտագործված նյութերի: Դրանք են կառուցումներ՝ շինարարական նյութերից, թղթից, ստվարաթղթից, կենցաղային թափոններից, կառուցումներ բնական նյութերից: Այդ նյութի դետալները բաղկացած են երկրաչափական մարմիններից՝ խորանարդ, գլան, բուրգ:

### **Կառուցողական աշխատանքների ծրագրային բովանդակությունը**

- Ձևավորել և զարգացնել կառուցողական հմտություններ և կարողություններ,
- Ծանոթացնել կառուցողական նյութին և սվորեցնել աշխատել դրանով,
- Կողմնորոշվել տարածության մեջ:

### **Կրտսեր խմբի կառուցողական աշխատանքների բովանդակությունը**

Կրտսեր խմբի երեխաները պետք է յուրացնեն հետևյալ տեխնիկական հնարները շինարարական նյութերով աշխատելիս. աղյուսները տեղադրել հորիզոնական դիրքով/ճանապարհ, գնացք/: Իրար վրա դնել 4-6 խորանարդներ կամ աղյուսներ և կառուցել աստիճան, աշտարակ: Դաստիարակի խնդիրն է հուշել երեխաներին միևնույն կառույցը կատարել տարբեր եղանակով՝ պատրաստել մահճակալ.

- 2 խորանարդիկներից,
- 2 աղյուսներից,
- 3 խորանարդիկներից,
- Մեծ կամ փոքր խորանարդիկներից:

### **Տարեվերջին երեխաները պետք է կարողանան՝**

- Տարբերել և անվանել կառուցողական հիմնական նյութերը/ըստ ձևի, գույնի/,
- Մեծահասկի օգնությամբ կառուցել նմուշին համապատասխան պարզ շինություն,
- Օգտագործել հնարավորինս շատ կառուցողական նյութեր,
- Խաղալ կառուցած շինություններով:

## Գործնական մաս՝ նկարչության, ձեփակերտում, կառուցողական պարապմունքներ:

### Նկարչություն

Խաղ - պարապմունք

Թեման՝ «Փուչիկներ արջուկի համար»

Նպատակը՝

- ճիշտ նստել սեղանի շուրջ,
- ճիշտ բռնել մատիտը,
- նկարել ուղիղ, երկար գծեր/թելիկներ փուչիկների համար/:

Առաջացնել հետաքրքրություն նկարչության նկատմամբ: Ծանոթացնել գույներին՝ կարմիր կարմիր, կապույտ, կանաչ:

Անհրաժեշտ պարգաներ

- ալբոմի թուղթ, որի կետրոնում նախապես նկարված են երեք փուչիկներ՝ կարմիր, կապույտ, կանաչ
- գունավոր մատիտներ՝ կարմիր, կապույտ, կանաչ, երեխաների քանակով
- տվյալ թեմայով պատկերագարող գրքեր, նկարներ
- կարմիր, կապույտ, կանաչ փուչիկներ, նույն գույնի հաստ/ուլորած/թել
- խաղատախտակ և խավապատված կարմիր, կապույտ, կանաչ գույնի շրջան կամ ձվաձև, նույն գույնի բարակ գլուխներ թելեր
- արջուկմ կամ այլ խաղալիք:

Պարապմունքի անցկացման մոթողիկա

Սեղանի ծածկոցի տակ դրված են կարմիր, կապույտ, կանաչ փուչիկներ/այդ պահին թելերը դեռ կապված չեն /: Արջուկը նստած է փուչիկների վրա:

### ԾԵՓ

Խաղ - պարապմունք

Թեման՝ «Ծեփենք ցանկապատ»

Նպատակը

Երեխաներին ծանոթացնել՝

- ✓ ձեփակերտման տեխնիկային՝ ձեռքերի հետ-առաջ շարժումների միջոցով ստանալ գլանաձև մարմիններ,

- ✓ ծեփանյութին և դրա հատկություններին:

Սովորեցնել՝

- ✓ ծեփանյութից ճիշտ օգտվելու կանոնները,
- ✓ աշխատել ծեփատախտակի վրա:

Ձևավորել հետաքրքրություն ծեփակերտման նկատմամբ:

Անհրաժեշտ պարագաներ

- պլաստիլին/ աղի խմոր,կավ/
- ծեփատախտակներ՝ ըստ երեխաների քանակի
- խանավ լաթեր
- փոքրիկ տնակ,պատրաստված խորանարդիկներից
- խաղալի-ծառ եղևնի,կենդանիներ:

Պարապմունքի անցկացման մեթոդիկան

Դաստիարակը երեխաների ներակայությամբ կառուցում է փոքրիկ տնակ,տնակի մոտ կարող է դնել խաղալիք-եղևնի,խաղալիք-ծառ:Կազմակերպում է սեղանային թատրոն՝ տնակում ապրում է որևէ «բարի» կենդանի,մոտակա անտառից գալիս են տարբեր «չար»կենդանիներ և փորձում են ուտել տնակում ապրող կենդանուն:Պարապմունքում չի նշվում խաղալիք-կենդանիների տեսակները,որպեսզի յուրաքանչյուր դաստիարակ հնարավորություն ունենա ընտրել խմբասենյակում եղած խաղալիք-կենդանիներից :Դաստիարակը առարջակում է կառուցել ցանկապատ,որպեսզի տնակում ապրող կենդանին իրեն ապահով զգա:

Դաստիարակը երեխաներին ցուցադրում է,թե ինչպես կարելի է ծեփանյութից ձեռքերի հետ-առաջ շարժումներով ստանալ գլանաձև մարմիններ:Դաստիարակը երեխաներին է տրամադրում միջին չափի ծեփանյութի կտորներ:Երեխաները օդում ցույց են տալիս ձեռքերի հետ-առաջ շարժումները ,հետո դաստիարակի օգնությամբ փորձում են կատարել նույն գործողությունները՝ ստանալով գլանաձև մարմիններ:Ստացված գլաները երեխաները շարում են ծեփատախտակի վրա:Դաստիարակը պատրաստած գլանները շարում է տնակի շուրջը և նշում,որ բոլոր շատ լավ աշխատեցին և օգնեցին տնակում ապրող կենդանուն՝ պատրաստեցին ցանկապատ և այլևս ոչ ոք նրան չի կարող վնասել:Երեխաների աշխատանքները ցուցադրվում են և կազմակերպվում է քննարկում:

## Եզրակացություն:

Եկնաք այն եզրակացության, որ առարկայի դերն ու նշանակությունն մասնագետի կայացման արդյունավետությունը կախված է ուսուցման մեթոդների և ձևերի իմացությունից ու տիրապետելու ունակությունից: Մասնագետը պետք է գաղափար կազմի կերպարվեստի դասավանդման մեթոդիկայիինչպես նաև ընդհանուր մեթոդների մասին: Առարկայի դասավանդման հիմնական նպատակն է բացահայտել մեթոդական այն հարցերը, որոնք անհրաժեշտ են երեխայի կերպարվեստային գործունեության զարգացման համար: Կերպարվեստային գործունեությունը կարող է զարգանալ միայն նպատակաուղղված ղեկավարման պայմաններում: Նման ղեկավարումը հնարավոր է այն դեպքում, երբ դաստիարակը հստակ պատկերացնում է իր գործունեության ոլորտը, տեղյակ է ծրագրի բովանդակությանը և մեթոդներին, տիրապետում է նկարչական ունակություններին: Մանկավարժը ստեղծում է բոլոր անհրաժեշտ պայմանները երեխայի իրականության զգացմունքապատկերավոր ընկալման համար: Առարկայի խնդիրներն են՝ երեխայի կերպարվեստային կրթությունը ուղղել նրա ստեղծագործական, պատկերային արվեստի զարգացման, շրջակա միջավայրի իրականության տպավորությունների արտահայտման, արվեստի և գրականության վրա: Նպաստել երեխայի կերպարվեստային կարողությունների, հմտությունների զարգացմանը: Կերպարվեստի դասավանդման մեթոդիկայի խնդիրն է ստեղծել և կանոնակարգել ուսուցման մեթոդների դիդակտիկ հիմքերը առարկայի դիդակտիկ դրույթները:

Առարկայի դասավանդման կարևորագույն պայմաններից է ցուցաբերել անհատական մոտեցում յուրաքանչյուրին: Ծրագրային նյութը պարբերաբար պետք է համալրվի ժամանակակից մեթոդներով, գիտության և տեխնիկայի բնագավառում ստեղծված նվաճումներով, գրականությամբ:

## Օգտագործված գրականության ցանկ:

1. Ծննդից մինչև վեց տարեկան երեխաների զարգացման և կրթական չափորոշիչներ, ՄԱԿ-ի մանկական հիմնադրամ, ՓՐԻՆՑ-ԻՆՖՈ, Երևան, 2011:
2. Նկարչությունը պարտեզում, Ջ. Դաբադյան, Մեթոդական օգնություն դաստիարակին, Երևան, 1999 48 էջ:
3. Մանկապարտեզի կրտսեր 2-րդ խմբի /3-4-տարեկանների/կրթական համալիր ծրագիր, /ՀՀ ԿԳՆ, Կրթ. ազգ. ինստ.,-Երևան, Կրթ. ազգ. ինստ. 2011, 168 էջ:
4. Խաղերի և խաղ-գվարճանքների կազմակերպումը մանկապարտեզում, Լ. Սմբատյան, Հեղինակային հրատարակություն, Երևան, 2014, 224 էջ:
5. «Մանկապարտեզի կրտսեր առաջին խմբի կրթական համալիր ծրագիր» Երևան, 2012թ.



Հավելվածներ:

